

## **Юридик ва жисмоний шахсларни электр тармоқларига улаш бўйича давлат хизматлари кўрсатишнинг МАЪМУРИЙ РЕГЛАМЕНТИ**

1-боб. Умумий қоидалар

1. Ушбу Регламент юридик ва жисмоний шахсларни (кейинги ўринларда истеъмолчилар деб аталади) электр тармоқларига улаш тартибини белгилайди.

2. Ушбу Регламентнинг амал қилиши истеъмолчиларнинг электр тармоқларига уланаётган янги ва реконструкция қилинаётган электр қурилмаларига, шунингдек, уланган қувват миқдори кўпаймасдан электр таъминоти схемаси ўзгаришига олиб келадиган электр таъминоти ишончилиги тоифаси, уланиш нуқталари, ишлаб чиқариш фаолияти турлари ўзгартириладиганда татбиқ этилади.

Ушбу Регламент талаблари истеъмолчиларнинг 35 кВ ва ундан юқори кучланишли электр тармоқларига уланиши ҳолатларига татбиқ этилмайди.

3. Электр энергиясини электр таъминоти шартномасини тузмасдан етказиб бериш тақиқланади.

4. Истеъмолчиларни электр тармоқларига улаш жараёни қуйидагиларни назарда тутаяди:

техник шартларни ишлаб чиқиш;

қуввати 20 кВтдан ошмаган электр энергияси истеъмолчилари учун қурилиш-монтаж ишларини амалга ошириш;

қуввати 20 кВтдан юқори бўлган электр энергияси истеъмолчилари учун электр таъминоти лойиҳасини ишлаб чиқиш ва келишиш;

қуввати 20 кВтдан юқори бўлган электр энергияси истеъмолчилари учун қурилиш-монтаж ва созлаш-ишга тушириш ишларини амалга ошириш;

қуввати 20 кВтдан юқори бўлган электр энергияси истеъмолчиларининг электр қурилмаларини ишга тушириш учун рухсатнома бериш;

электр энергиясини ҳисобга олиш тизимини пломбалаш;

электр таъминоти шартномасини тузиш;

кучланишни етказиб бериш.

5. Истеъмолчиларни электр тармоқларига улаш жараёнини амалга оширишда:

а) ҳудудий электр тармоқлари корхонаси (кейинги ўринларда ХЭТК деб аталади):

техник шартларни ишлаб чиқади;

қуввати 20 кВтдан ошмаган электр энергияси истеъмолчилари учун қурилиш-монтаж ишларини амалга оширади (истеъмолчининг ихтиёрига кўра);

қуввати 20 кВтдан юқори бўлган электр энергияси истеъмолчилари учун электр таъминоти лойиҳасини ишлаб чиқади (истеъмолчининг ихтиёрига кўра);

куватти 20 кВтдан юқори бўлган электр энергияси истеъмолчилари учун электр таъминоти лойиҳасини келишади;

куватти 20 кВтдан юқори бўлган электр энергияси истеъмолчилари учун лойиҳалаш, қурилиш-монтаж ва созлаш-ишга тушириш ишларини амалга оширади (истеъмолчининг ихтиёрига кўра);

электр энергиясини ҳисобга олиш тизимини пломбалашда иштирок этади;

электр таъминоти шартномасини тузади;

кучланишни етказиб беришни амалга оширади;

б) лойиҳалаш, қурилиш-монтаж ва созлаш-ишга тушириш ташкилотлари лойиҳалаш, қурилиш-монтаж ва созлаш-ишга тушириш ишларини амалга оширади (истеъмолчининг ихтиёрига кўра);

в) Ўзбекистон Республикаси Электр энергетикада назорат бўйича давлат инспекцияси (кейинги ўринларда «Ўздавэнергоназорат» ДИ деб аталади):

куватти 20 кВтдан юқори бўлган электр энергияси истеъмолчилари учун электр таъминоти лойиҳасини келишади;

куватти 20 кВтдан юқори бўлган электр энергияси истеъмолчиларининг электр қурилмаларини ишга тушириш учун рухсатнома беради;

г) Ўзбекистон Республикаси Бош прокуратураси ҳузуридаги Мажбурий ижро бюроси (кейинги ўринларда Бюро деб аталади) электр энергиясини ҳисобга олиш тизимини пломбалашда иштирок этади.

6. Давлат хизматлари марказлари, «Ўздавэнергоназорат» ДИ, Бюро, ХЭТК, лойиҳалаш, қурилиш-монтаж ва созлаш-ишга тушириш ташкилотлари ўртасида ахборот алмашинуви электрон рақамли имзони (кейинги ўринларда ЭРИ деб аталади) мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

7. Истеъмолчиларни электр тармоқларига улаш ушбу Регламентга [1-иловага](#) мувофиқ схема бўйича амалга оширилади.

2-боб. Давлат хизматлари кўрсатиш тартиби

1-§. Мурожаатларни шакллантириш ва юбориш

8. Истеъмолчилар электр тармоқларига уланиш учун Давлат хизматлари марказларига ўзи келиб мурожаат этади ёки Ўзбекистон Республикаси Ягона интерактив давлат хизматлари порталида (кейинги ўринларда ЯИДХП деб аталади) давлат хизматидан электрон тарзда фойдаланиш учун рўйхатдан ўтади.

9. Ўзи келиб мурожаат этган тақдирда Давлат хизматлари маркази ходими истеъмолчи номидан, ЯИДХП орқали мурожаат қилинганда эса истеъмолчи мустақил равишда ушбу Регламентга [2-иловага](#) мувофиқ давлат хизматидан фойдаланиш учун сўровномани электрон тарзда тўлдиради.

Истеъмолчилардан ушбу бандда кўрсатилмаган маълумотларни, шунингдек, бошқа ҳужжатларни тақдим этишни талаб қилиш қатъиян тақиқланади.

10. Истеъмолчи зарур маълумотларни расмийлаштиргандан ва сўровномага киритгандан сўнг уни ўз ЭРИ билан тасдиқлайди.

Давлат хизматлари маркази ходимлари ва ЯИДХП истеъмолчиларни давлат хизматларидан фойдаланиш учун ЭРИ мажбурий тартибда бўлиши шарт эканлиги тўғрисида олдиндан хабардор қилади.

Давлат хизматлари марказлари истеъмолчилар ЭРИни жойнинг ўзида олишлари учун барча зарур шароитларни таъминлашга мажбурдир.

11. Давлат хизматларини кўрсатиш учун энг кам ойлик иш ҳақининг 10 фоизи миқдорида йиғим ундирилади.

Давлат хизматларини кўрсатиш учун йиғим тўланганлигини тасдиқлаш ахборот-коммуникация тизимлари орқали амалга оширилади.

12. Йиғимлар суммаси қуйидаги тартибда тақсимланади:

20 фоизи — Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармасининг шахсий ҳисоб рақамига ўтказилади;

10 фоизи — Ўзбекистон Республикаси Ахборот технологиялари ва коммуникацияларини ривожлантириш вазирлигининг махсус ҳисоб рақамига ўтказилади;

қолган маблағлар тўлиқ ҲЭТКнинг банк ҳисоб рақамига (қуввати 20 кВтдан ошмаган электр тармоқларига уланганда) ёки тенг миқдорда «Ўздавэнергоназорат» ДИ ва ҲЭТКнинг банк ҳисоб рақамларига (қуввати 20 кВтдан юқори бўлган электр тармоқларига уланганда) ўтказилади.

13. Истеъмолчиларда ЭРИ мавжуд эмаслиги ёки уни олишнинг рад этилганлиги, сўровномада нотўғри маълумотлар кўрсатилиши, шунингдек, давлат хизматларини кўрсатиш учун йиғимни тўламаслик давлат хизмати кўрсатишни рад этиш учун асос ҳисобланади.

Давлат хизматларини кўрсатишни бошқа асослар бўйича рад этиш қатъиян тақиқланади.

14. Истеъмолчи давлат хизматларидан фойдаланишдан у кўрсатилишининг ҳар қандай босқичида бош тортиш ҳуқуқига эга.

Истеъмолчи давлат хизматларидан фойдаланишдан бош тортганда унинг сўровномаси кўрмасдан қолдирилади. Бунда, тўланган йиғим суммаси қайтарилмайди.

15. Ўзи келиб мурожаат этганда Давлат хизматлари марказлари сўровнома тўлдирилган вақтдан бошлаб бир соат мобайнида уни ҲЭТКга техник шартларни ишлаб чиқиш учун юборади.

ЯИДХП орқали мурожаат қилинганда эса сўровнома автоматик тарзда ҲЭТКга техник шартларни ишлаб чиқиш учун юборилади.

2-§. Техник шартларни ишлаб чиқиш ва бериш, шунингдек, тижорат таклифлари ва шартномалар лойиҳаларини тақдим этиш

16. ҲЭТК сўровнома тушганидан сўнг уч иш куни мобайнида техник шартларни ишлаб чиқади ва электрон шаклда Давлат хизматлари марказига (ўзи келиб мурожаат этганда) ёки истеъмолчига ЯИДХП орқали (электрон шаклда мурожаат қилинганда) юборади.

ҲЭТК лойиҳалаш, қурилиш-монтаж ва созлаш-ишга тушириш ишларини амалга оширишга ўзининг тижорат таклифларини ҳамда шартномалари лойиҳаларини ҳам юбориш ҳуқуқига эга.

Ўзи келиб мурожаат этганда Давлат хизматлари маркази техник шартлар ҳамда ҲЭТКнинг лойиҳалаш, қурилиш-монтаж ва созлаш-ишга тушириш ишларини амалга оширишга тижорат таклифлари ва шартномалар лойиҳалари

тушганидан сўнг бир соат мобайнида техник шартларга ўзининг мухрини босиб, истеъмоличига беради.

17. Ишлаб чиқилган техник шартлар истеъмоличининг алоқа қилинадиган маълумотлари илова қилинган ҳолда лойиҳалаш, қурилиш-монтаж ва созлаш-ишга тушириш ишларини амалга оширишга ўзларининг тижорат таклифлари ва шартномалар лойиҳаларини тақдим этиши мақсадида лойиҳалаш, қурилиш-монтаж ва созлаш-ишга тушириш ташкилотларининг танишиши учун ЯИДХПда жойлаштирилади.

3-§. Истеъмоличиларни қуввати 20 кВтдан ошмаган электр тармоқларига улаш

18. Қуввати 20 кВтдан ошмаган электр тармоқларига улаш учун лойиҳалаш ва созлаш-ишга тушириш ишларини амалга ошириш талаб этилмайди.

19. Қуввати 20 кВтдан ошмаган электр энергияси истеъмоличилари қурилиш-монтаж ишларини амалга ошириш бўйича ХЭТК ёки бошқа қурилиш-монтаж ташкилотлари билан шартномалар тузиш ҳуқуқига эга.

20. Қуввати 20 кВтдан ошмаган электр тармоқларига улаш бўйича қурилиш-монтаж ишлари қурилиш-монтаж ишларини ўтказиш бўйича шартномаларда белгиланган муддатларда амалга оширилади.

4-§ . Истеъмоличиларни қуввати 20 кВтдан юқори бўлган электр тармоқларига улаш

21. Қуввати 20 кВтдан юқори бўлган электр тармоқларига улаш бўйича электр таъминоти лойиҳасини ишлаб чиқиш учун истеъмоличилар ХЭТК ёки бошқа лойиҳалаш ташкилотлари билан лойиҳалаш ишларини ўтказиш бўйича шартномалар тузиш ҳуқуқига эга.

22. Лойиҳалаш ишлари лойиҳалаш ишларини бажариш бўйича шартномаларда белгиланган муддатларда амалга оширилади.

23. Лойиҳалаш ташкилоти лойиҳалаш ишларини амалга оширгандан сўнг ЯИДХПда ушбу Регламентга [3-илова](#) мувофиқ шакл бўйича сўровномани тўлдиради ва уни ўзининг ЭРИ билан тасдиқлайди.

Сўровномага электр таъминоти лойиҳаси электрон шаклда илова қилинади.

Лойиҳалаш ташкилотидан ушбу бандда кўрсатилмаган ҳужжатлар ва маълумотларни тақдим этишни талаб этиш қатъиян тақиқланади.

Сўровнома электр таъминоти лойиҳасини келишиш учун ХЭТК ва «Ўздавэнергоназорат» ДИга автоматик тарзда юборилади.

24. Электр таъминоти лойиҳаси ХЭТК томонидан ишлаб чиқилган ҳолларда электр таъминоти лойиҳасини ХЭТК билан келишиш талаб этилмайди.

25. ХЭТК ва «Ўздавэнергоназорат» ДИ сўровнома тушганидан сўнг уч иш куни давомида электр таъминоти лойиҳасини келишади ёки келишишни рад этади.

Электр таъминоти лойиҳасини келишиш уни ХЭТК ва «Ўздавэнергоназорат» ДИнинг ЭРИ билан тасдиқлаш орқали амалга оширилади.

26. Электр таъминоти лойиҳаси техник шартлар ҳамда электр ускуналарини ўрнатиш қоидалари талабларидан четга чиқиш электр таъминоти лойиҳасини келишишни рад этишга асос бўлади.

Бошқа сабабларга кўра электр таъминоти лойиҳасини келишишни рад этиш қатъиян тақиқланади.

Электр таъминоти лойиҳасини келишишни рад этиш учун асос бўлган сабаблар лойиҳалаш ташкилоти томонидан бартараф этилган тақдирда, қайта келишиш такрорий сўровнома тушганидан сўнг бир иш кунидан ошмаган муддатда амалга оширилади.

Электр таъминоти лойиҳасини такроран кўриб чиқишда ХЭТК ва «Ўздавэнергоназорат» ДИ томонидан аввалги рад этиш асосларида баён этилмаган сабабларнинг келтирилишига йўл қўйилмайди, аввал кўрсатилган сабаблар бартараф этилганлигини тасдиқловчи маълумотлар билан боғлиқ рад этиш сабаблари келтирилиши бундан мустасно.

27. Келишилган электр таъминоти лойиҳаси у келишилган кунда электрон шаклда ХЭТК ва «Ўздавэнергоназорат» ДИ томонидан лойиҳалаш ташкилотига ЯИДХП орқали юборилади.

28. Қуввати 20 кВтдан юқори бўлган электр тармоқларига улаш бўйича қурилиш-монтаж ва созлаш-ишга тушириш ишларини амалга ошириш учун истеъмолчилар ХЭТК ёки бошқа қурилиш-монтаж ва созлаш-ишга тушириш ташкилотлари билан тегишли шартномалар тузиш ҳуқуқига эга.

29. Қурилиш-монтаж ва созлаш-ишга тушириш ишлари қурилиш-монтаж ва созлаш-ишга тушириш ишларини бажариш бўйича шартномаларда белгиланган муддатларда амалга оширилади.

5-§. Қуввати 20 кВтдан юқори бўлган электр энергияси истеъмолчиларининг электр қурилмаларини ишга тушириш учун рухсат бериш

30. Қуввати 20 кВтдан ошмаган электр энергияси истеъмолчиларининг электр қурилмаларини ишга тушириш учун рухсатнома олиш талаб этилмайди.

31. Қурилиш-монтаж ва созлаш-ишга тушириш ташкилотлари қурилиш-монтаж ва созлаш-ишга тушириш ишларини тугатгандан сўнг ЯИДХПда ушбу Регламентга [4-иловага](#) мувофиқ шаклда сўровномани тўлдиради ва уни ўзининг ЭРИ билан тасдиқлайди.

Сўровномага ушбу Регламентга [5-иловада](#) кўрсатилган ҳужжатлар рўйхатига мувофиқ ҳужжатлар электрон шаклда илова қилинади.

Қурилиш-монтаж ва созлаш-ишга тушириш ташкилотларидан ушбу бандда кўрсатилмаган маълумотлар ва ҳужжатларни талаб қилиш қатъиян тақиқланади.

Сўровнома қуввати 20 кВтдан юқори бўлган электр энергияси истеъмолчиларининг электр қурилмаларини ишга туширишга рухсат бериш учун «Ўздавэнергоназорат» ДИга автоматик тарзда юборилади.

32. «Ўздавэнергоназорат» ДИ жойларга чиқиб қурилиш-монтаж ва созлаш-ишга тушириш ишлари қонун ҳужжатларида белгиланган талаблар ва техник шартларга мувофиқлигини ўрганади, шунингдек, электр қурилмаларини соз ҳолда сақлашга тайёрланган ходимларнинг мавжудлигини текширади.

33. «Ўздавэнергоназорат» ДИ сўровнома тушганидан сўнг беш иш кунини мобайнида электр қурилмаларини ишга тушириш учун рухсатнома беради ёки уни беришни рад этади.

Электр қурилмаларини ишга тушириш учун рухсатнома «Ўздавэнергоназорат» ДИ томонидан Ўзбекистон Республикаси Адлия вазирлиги билан келишган ҳолда тасдиқланган шаклда электрон шаклда расмийлаштирилади ва «Ўздавэнергоназорат» ДИнинг ЭРИ билан тасдиқланади.

34. Такдим этилган ҳужжатларда ишончсиз ёки нотўғри маълумотларнинг мавжудлиги, истеъмолчиларининг электр қурилмалари монтажида камчиликлар, техник шартлар талабларидан четга чиқиш ҳолатлари аниқланиши, шунингдек, электр қурилмаларини соз ҳолда сақлаш учун тайёрланган ходимларнинг мавжуд эмаслиги рухсатнома беришни рад этишга асос бўлади.

Бошқа сабабларга кўра электр қурилмаларини ишга тушириш учун рухсатнома беришни рад этиш қатъиян тақиқланади.

Рад этиш учун асос бўлган сабаблар қурилиш-монтаж ва созлаш-ишга тушириш ташкилотлари томонидан бартараф этилган тақдирда, электр қурилмаларини ишга тушириш учун рухсатнома бериш такрорий сўровнома тушган кундан бошлаб икки иш кунидан ошмаган муддатда амалга оширилади.

Электр қурилмаларини ишга тушириш учун рухсатнома бериш масаласини такроран кўриб чиқишда «Ўздавэнергоназорат» ДИ томонидан аввалги рад этиш асосларида баён этилмаган сабабларнинг келтирилишига йўл қўйилмайди, аввал кўрсатилган сабаблар бартараф этилганлигини тасдиқловчи маълумотлар билан боғлиқ рад этиш сабаблари келтирилиши бундан мустасно.

35. Электр қурилмаларини ишга тушириш учун рухсатнома у берилган кунда электрон шаклда «Ўздавэнергоназорат» ДИ томонидан қурилиш-монтаж ва созлаш-ишга тушириш ташкилотларига ЯИДХП орқали юборилади.

6-§. Электр энергиясини ҳисобга олиш тизимини пломбалаш, электр таъминоти шартномасини тузиш ва кучланишни етказиб бериш

36. Электр энергиясини ҳисобга олиш тизимини пломбалаш ва электр таъминоти шартномасини тузиш қуввати 20 кВтдан ошмаган электр энергияси истеъмолчилари учун қурилиш-монтаж ишлари бажарилгандан сўнг ёки қуввати 20 кВтдан юқори бўлган электр энергияси истеъмолчиларининг электр қурилмаларини ишга тушириш учун рухсатнома берилгандан сўнг амалга оширилади.

37. Ўзи келиб мурожаат этганда Давлат хизматлари маркази ходими истеъмолчи номидан, ЯИДХП орқали мурожаат қилинганда эса истеъмолчи мустақил равишда ушбу Регламентга [6-иловага](#) мувофиқ электр энергиясини ҳисобга олиш тизимини пломбалаш ва электр таъминоти шартномасини тузиш учун сўровномани электрон тарзда тўлдиради.

Истеъмолчилардан ушбу бандда кўрсатилмаган маълумотларни, шунингдек, бошқа ҳужжатларни такдим этишни талаб қилиш қатъиян тақиқланади.

38. Истеъмолчи зарур маълумотларни расмийлаштиргандан ва сўровномага киритгандан сўнг уни ўз ЭРИ билан тасдиқлайди.

39. Ўзи келиб мурожаат этганда Давлат хизматлари марказлари сўровнома тўлдирилган вақтдан бошлаб бир соат мобайнида уни ХЭТК ва Бюрога электр энергиясини ҳисобга олиш тизимини пломбалаш ва электр таъминоти шартномасини тузиш учун юборади.

ЯИДХП орқали мурожаат қилинганда эса сўровнома автоматик тарзда ХЭТК ва Бюрога электр энергиясини ҳисобга олиш тизимини пломбалаш ва электр таъминоти шартномасини тузиш учун юборилади.

40. ҲЭТК ва Бюро сўровнома тушган кундан бошлаб икки иш куни мобайнида жойнинг ўзига чиқиб электр энергиясини ҳисобга олиш тизимини пломбалашни амалга оширади.

Электр энергиясини ҳисобга олиш тизимини пломбалаш қўшма тасдиқланган жадваллар асосида олдиндан белгиланган вақтда амалга оширилади.

41. ҲЭТК электр энергиясини ҳисобга олиш тизими пломбаланган куннинг ўзида электрон шаклда Давлат хизматлари марказига (ўзи келиб мурожаат этганда) ёки истеъмолчига ЯИДХП орқали (электрон шаклда мурожаат қилинганда) пломбалаш ўтказилганлиги тўғрисидаги маълумотлар кўрсатилган расмийлаштирилган электр таъминоти шартномасини юборади.

42. Давлат хизматлари маркази расмийлаштирилган электр таъминоти шартномаси тушгандан сўнг бир соат ичида бу ҳақида истеъмолчини ахборот-коммуникация тизимлари орқали хабардор қилади.

43. Истеъмолчи расмийлаштирилган электр таъминоти шартномаси тушганидан сўнг беш иш куни мобайнида уни ўзининг ЭРИ билан тасдиқлайди.

Истеъмолчи томонидан тасдиқланган электр таъминоти шартномаси Давлат хизматлари маркази томонидан (ўзи келиб мурожаат этганда) ҲЭТКга ёки истеъмолчи томонидан ЯИДХП орқали (электрон шаклда мурожаат қилинганда) юборилади.

44. Истеъмолчи электр таъминоти шартномасини тасдиқлашдан бош тортганда ёки у белгиланган муддатда юборилмаганда электр таъминоти шартномаси тузилмаган ҳисобланади.

45. Электр энергиясини етказиб бериш ҲЭТК томонидан қуйидаги тартибда амалга оширилади:

қонун ҳужжатларида олдиндан тўловни амалга ошириши назарда тутилган истеъмолчилар учун — истеъмолчи томонидан олдиндан тўлов амалга оширилган куни;

қонун ҳужжатларида олдиндан тўловни амалга ошириши назарда тутилмаган истеъмолчилар учун — истеъмолчи томонидан тасдиқланган шартнома олинган куни.

3-боб. Яқунловчи қоидалар

46. Техник шартларни, шу жумладан, қўшимча техник шартларни ишлаб чиқиш, бериш, электр таъминоти лойиҳаларини келишиш, электр қурилмаларини ишга тушириш учун рухсатномалар бериш ва электр энергиясини ҳисобга олиш тизимини пломбалаш тўлов ундирилмаган ҳолда амалга оширилади, давлат хизматлари кўрсатилганлиги учун йиғим ундирилиши бундан мустасно.

47. Давлат хизматлари марказлари, ҲЭТК, «Ўздавэнергоназорат» ДИ, Бюро, лойиҳалаш, қурилиш-монтаж ва ишга тушириш-созлаш ташкилотлари ўз фаолиятини амалга ошириши натижасида олинган истеъмолчи ҳақидаги маълумотларнинг махфийлигини таъминлаши керак.

48. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширадilar.

49. Истеъмолчи давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилиши мумкин.

50. Ушбу Регламент талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

Юридик ва жисмоний шахсларни электр тармоқларига улаш бўйича давлат хизматлари кўрсатишнинг **маъмурий регламентига**  
**1-ИЛОВА**

**Юридик ва жисмоний шахсларни электр тармоқларига улаш**  
**СХЕМАСИ**

Босқичлар	Субъектлар	Тадбирлар	Бажариш муддатлари
I. Техник шартларни ишлаб чиқиш ва бериш, шунингдек, тижорат таклифлари ва шартномалар лойиҳаларини тақдим этиш			
1-босқич	Истеъмолчи	1. Электр тармоқларига уланиш учун Давлат хизматлари марказига ўзи келиб мурожаат қилиш ёки ЯИДХПда рўйхатдан ўтиш. 2. Давлат хизматларини кўрсатиш учун йиғим тўлаш.	1. Хоҳишига кўра  2. Мурожаат қилинганда
2-босқич	1. Давлат хизматлари маркази 2. ЯИДХП	Техник шартларни ишлаб чиқиш учун сўровномани ХЭТКга юбориш.	1. 1 соат мобайнида 2. Автоматик тарзда
3-босқич	ХЭТК	1. Техник шартларни ишлаб чиқиш ва Давлат хизматлари марказига (ўзи келиб мурожаат этганда) ёки истеъмолчига ЯИДХП орқали (электрон тарзда мурожаат қилинганда) юбориш. 2. Лойиҳалаш, қурилиш-монтаж ва созлаш-ишга тушириш ишларини амалга ошириш бўйича ўзларининг тижорат таклифларини ва шартномалар лойиҳаларини бериш ҳуқуқи.	3 кун мобайнида
4-босқич	Давлат хизматлари маркази	Техник шартларни, ХЭТКнинг лойиҳалаш, қурилиш-монтаж ва созлаш-ишга тушириш ишларини амалга ошириш бўйича тижорат таклифлари ва шартномалар лойиҳаларини техник шартларга ўзининг муҳрини босиб,	1 соат мобайнида



		истеъмолчига бериш.	
II. Истеъмолчиларни қуввати 20 кВтдан ошмаган электр тармоқларига улаш			
1-босқич	Истеъмолчи	ҲЭТК ёки бошқа қурилиш-монтаж ташкилотлари билан қурилиш-монтаж ишларини амалга ошириш бўйича шартномалар тузиш.	Хоҳишига кўра (техник шартларни олгандан сўнг)
2-босқич	ҲЭТК ёки бошқа қурилиш-монтаж ташкилотлари	Қуввати 20 кВтдан ошмаган электр тармоқларига улаш бўйича қурилиш-монтаж ишларини амалга ошириш.	Шартномаларда белгиланган муддатларда
III. Истеъмолчиларни қуввати 20 кВтдан юқори бўлган электр тармоқларига улаш			
1-босқич	Истеъмолчи	Қуввати 20 кВтдан юқори бўлган электр тармоқларига улаш бўйича электр таъминоти лойиҳасини ишлаб чиқиш учун ҲЭТК ёки бошқа лойиҳа ташкилотлари билан лойиҳалаш ишларини бажаришга шартномалар тузиш.	Хоҳишига кўра (техник шартларни олгандан сўнг)
2-босқич	ҲЭТК ёки бошқа лойиҳа ташкилотлари	Қуввати 20 кВтдан юқори бўлган электр тармоқларига улаш бўйича лойиҳалаш ишларини амалга ошириш.	Шартномада белгиланган муддатларда
3-босқич	Лойиҳа ташкилоти	Қуввати 20 кВтдан юқори бўлган электр тармоқлари истеъмолчилари учун электр таъминоти лойиҳасини келишиш учун ЯИДХПда сўровномани тўлдириш.	Хоҳишига кўра (лойиҳалаш ишлари амалга оширилгандан сўнг)
4-босқич	ЯИДХП	Сўровномани қуввати 20 кВтдан юқори бўлган электр тармоқлари истеъмолчилари учун электр таъминоти лойиҳасини келишиш учун ҲЭТК ва «Ўздавэнергоназорат» ДИга юбориш.	Автоматик тарзда
5-босқич	ҲЭТК ва «Ўздавэнергоназорат» ДИ	1. Электр таъминоти лойиҳасини ЭРИ билан тасдиқлаш орқали келишиш. 2. Келишилган электр таъминоти лойиҳасини ЯИДХП орқали лойиҳа ташкилотига юбориш.	3 иш кунни мобайнида

6-босқич	Истеъмолчи	ХЭТК ёки бошқа қурилиш-монтаж ва созлаш-ишга тушириш ташкилотлари билан қурилиш-монтаж ва созлаш-ишга тушириш ишларини амалга ошириш бўйича шартнома тузиш.	Хоҳишига кўра ( <i>лойиҳа келишилгандан сўнг</i> )
7-босқич	ХЭТК ёки бошқа қурилиш-монтаж ва созлаш-ишга тушириш ташкилотлари	Қуввати 20 кВтдан юқори бўлган электр тармоқларига улаш бўйича қурилиш-монтаж ва созлаш-ишга тушириш ишларини амалга ошириш.	Шартномада белгиланган муддатларда

IV. Қуввати 20 кВтдан юқори бўлган электр энергияси истеъмолчиларининг электр қурилмаларини ишга туширишга рухсат бериш

1-босқич	Қурилиш-монтаж ва созлаш-ишга тушириш ташкилотлари	Қуввати 20 кВтдан юқори бўлган электр энергияси истеъмолчиларининг электр қурилмаларини ишга туширишга рухсат бериш учун ЯИДХПда сўровнома тўлдириш.	Хоҳишига кўра ( <i>қурилиш-монтаж ва созлаш-ишга тушириш ишлари тугаганидан сўнг</i> )
2-босқич	ЯИДХП	Сўровномани қуввати 20 кВтдан юқори бўлган электр энергияси истеъмолчиларининг электр қурилмаларини ишга туширишга рухсат бериш учун «Ўздавэнергоназорат» ДИга йўллаш.	Автоматик тарзда
3-босқич	«Ўздавэнергоназорат» ДИ	1. Қурилиш-монтаж ва созлаш-ишга тушириш ишларининг қонун ҳужжатларида белгиланган талаблар ва техник шартларга мувофиқлигини жойнинг ўзига чиқиб ўрганиш, шунингдек, электр қурилмаларига хизмат кўрсатиш бўйича тайёрланган ходимларнинг мавжудлигини текшириш. 2. Электр қурилмаларини ишга тушириш учун рухсатнома бериш. 3. Электр қурилмаларини ишга тушириш учун рухсатномани	5 иш кунни мобайнида

		ЯИДХП орқали курилиш-монтаж ва созлаш-ишга тушириш ташкилотларига йўллаш.	
V. Электр энергиясини ҳисобга олиш тизимини пломбалаш, электр таъминоти шартномасини тузиш ва кучланишни етказиб бериш			
1-босқич	Истеъмолчи	Электр энергиясини ҳисобга олиш тизимини пломбалаш, электр таъминоти шартномасини тузиш учун Давлат хизматлари марказига ўзи келиб ёки ЯИДХП орқали мурожаат қилиш.	Хоҳишига кўра (II ёки IV бўлимларда кўрсатилган ишлар тугатилгандан сўнг)
2-босқич	1. Давлат хизматлари маркази 2. ИДХЯП	Электр энергиясини ҳисобга олиш тизимини пломбалаш, электр таъминоти шартномасини тузиш учун сўровномани ХЭТК ва Бюрога юбориш.	1. 1 соат мобайнида 2. Автоматик тарзда
3-босқич	1. ХЭТК ва Бюро 2. ХЭТК	1. Электр энергиясини ҳисобга олиш тизимини жойнинг ўзига чиқиб пломбалаш. 2. Давлат хизматлари марказига (ўзи келган ҳолда мурожаат этганда) ёки истеъмолчига ЯИДХП орқали (электрон шаклда мурожаат қилинганда) расмийлаштирилган ва пломбланганлиги тўғрисидаги маълумотлар кўрсатилган электр таъминоти шартномасини юбориш.	2 иш куни мобайнида
4-босқич	Давлат хизматлари маркази	Истеъмолчини расмийлаштирилган электр таъминоти шартномаси тўғрисида ахборот-коммуникация тизимлари орқали хабардор қилиш.	1 соат мобайнида
5-босқич	Истеъмолчи	1. Расмийлаштирилган электр таъминоти шартномасини ўзининг ЭРИси билан тасдиқлаш. 2. Тасдиқланган электр таъминоти шартномасини Давлат хизматлари маркази орқали ХЭТКга юбориш (ўзи келган ҳолда мурожаат этганда) ёки истеъмолчи томонидан ЯИДХП	5 иш куни мобайнида

		оркали (электрон шаклда мурожаат қилинганда).	
6-босқич	ХЭТК	1. Қонун ҳужжатларида тўловни олдиндан амалга ошириши назарда тутилган истеъмолчилар учун электр энергиясини етказиб бериш. 2. Қонун ҳужжатларида тўловни олдиндан амалга ошириши назарда тутилмаган истеъмолчилар учун электр энергиясини етказиб бериш	1. Тўлов олдиндан амалга оширилган кунда 2. Истеъмолчи томонидан тасдиқланган шартнома олинган куни

Юридик ва жисмоний шахсларни электр тармоқларига улаш бўйича давлат хизматлари кўрсатишнинг **маъмурий регламентига**  
**2-ИЛОВА**

(сана)

(рақам)

Электр тармоқларига улаш бўйича давлат хизматларидан фойдаланиш учун  
СЎРОВНОМА

I. (Жисмоний) Истеъмолчи — жисмоний шахс тўғрисида маълумот:

1. Ф.И.О.:	
2. паспортга оид маълумотлари (серияси ва рақами)	
3. СТИР:	
4. манзили:	
5. кадастр ишининг рўйхатдан ўтказилган рақами ва санаси:	
6. телефон рақами:	
7. электрон почта манзили:	
8. фаолият тури (якка тартибдаги тадбиркор учун	

I. (Юридик) Истеъмолчи — юридик шахс тўғрисида маълумот:

1. тўлиқ номи:	
2. ташкилий-ҳуқуқий шакли:	
3. СТИР:	
4. МФО:	
5. ИФУТ:	
6. ҳисоб рақами:	
7. хизмат кўрсатувчи банкнинг номи:	
8. фаолият тури:	
9. юридик манзили:	
10. кадастр ишининг рақами ва рўйхатдан ўтказилган санаси:	
11. телефон рақами:	
12. электрон почта манзили:	

II. Уланаётган объект тўғрисида маълумот:

1. уланаётган объектнинг жойлашган жойи (индекс, манзил, мўлжал):	
2. уланаётган қувват:	
3. электр таъминотининг ишончилиги бўйича тоифаси:	
4. хизмат тури:	янги улаш
	электр қурилмаларининг реконструкция қилиш
	электр таъминотининг ишончилиги бўйича тоифасини ўзгартириш
	қайта расмийлаштириш
	қувватни ошириш
	уланиш нуқтасини ўзгартириш
	ишлаб чиқариш фаолияти турини ўзгартириш

### III. Аввал уланганлиги тўғрисидаги маълумотлар:

1. электр таъминоти шартномаси тузилган санаси ва рақами	
--	--

*(уланган бўлса тўлдирилади)*

Берилаётган техник шартлардан лойиҳалаш, қурилиш-монтаж ва созлаш-ишга тушириш ташкилотлари келгусида лойиҳалаш, қурилиш-монтаж ва созлаш-ишга тушириш ишларини амалга оширишда ўз тижорат таклифларини бериш мақсадида танишиши учун техник шартларнинг Ягона интерактив давлат хизматлари порталига киритилишига истеъмолчининг розилиги:

<i>розиман</i>	<i>рози эмасман</i>
----------------	---------------------

Истеъмолчининг ЭРИ

Юридик ва жисмоний шахсларни электр тармоқларига улаш бўйича давлат хизматлари кўрсатишнинг **маъмурий регламентига**  
**3-ИЛОВА**

\_\_\_\_\_ (сана)

\_\_\_\_\_ (рақам)

Қуввати 20 кВтдан юқори бўлган электр энергияси истеъмолчилари учун электр таъминоти лойиҳасини келишиш учун  
**СЎРОВНОМА**

I. Келишилаётган электр таъминоти лойиҳаси тўғрисида маълумот:

1. электр таъминоти лойиҳасининг номи:	
2. лойиҳа ташкилотининг номи:	
3. лойиҳа ташкилотининг СТИР:	
4. лойиҳа ташкилотининг юридик манзили:	
5. уланаётган қувват:	

II. Илова қилинадиган ҳужжатлар:

1. электр таъминоти лойиҳаси:	
-------------------------------	--

Лойиҳа ташкилотининг ЭРИ

Юридик ва жисмоний шахсларни электр тармоқларига улаш бўйича давлат хизматлари кўрсатишнинг **маъмурий регламентига**  
**4-ИЛОВА**

\_\_\_\_\_ (сана)

\_\_\_\_\_ (рақам)

Электр қурилмаларини ишга туширишга рухсат бериш учун  
**СЎРОВНОМА**

I. Электр қурилмалари тўғрисида маълумот:

1. янги қурилаётган ёки реконструкция қилинаётган электр қурилмаларининг номи:	
2. қурилиш-монтаж ва (ёки) созлаш-ишга тушириш ташкилотининг номи:	
3. қурилиш-монтаж ва (ёки) созлаш-ишга тушириш ташкилотининг СТИР:	
4. қурилиш-монтаж ва (ёки) созлаш-ишга тушириш ташкилотининг юридик манзили:	
5. электр қурилмаларининг мувофиқлик сертификати рақами ва санаси:	

II. Илова қилинадиган ҳужжатлар:

1. истеъмолчининг электр хўжалиги учун жавобгар бўлган шахс томонидан имзоланган электр таъминоти объектининг бир чизиқли схемаси:	
2. қурилиш-монтаж ташкилоти ва истеъмолчи ўртасида тузилган қабул қилиш-топшириш далолатномаси:	

3. мавжуд ҳимоя воситалари, уларнинг синовдан ўтказилганлиги тўғрисидаги баённомалар, ёнғинга қарши инвентарлар, техника хавфсизлиги бўйича плакатлар рўйхати:	
4. электр қурилмаларининг лаборатория синовларидан ўтказилганлиги тўғрисидаги баённомалар:	
5. асосий электр қурилмалари учун паспортлар:	
6. электр ҳўжалиги учун жавобгар бўлган шахснинг лавозимга тайинланганлиги тўғрисидаги буйруқ:	
7. ижро схемалари, ер ости ишларининг далолатномалари:	
8. ҳудудий электр тармоқлари корхонасининг тезкор-диспетчерлик хизматига истеъмолчи номидан электр қурилмаларини улаш ва ўчириш учун буюртманома бериш ҳуқуқига эга бўлган тезкор ва тезкор-таъмирлаш ходимларининг рўйхати (Ф.И.О., лавозими, электр хавфсизлиги бўйича малака гуруҳи, телефон рақамлари):	

Қурилиш-монтаж ва (ёки)  
созлаш-ишга тушириш  
ташкilotининг ЭРИ

Юридик ва жисмоний шахсларни электр тармоқларига улаш бўйича давлат хизматлари кўрсатишнинг **маъмурий регламентига**  
**5-ИЛОВА**

**Қуввати 20 кВтдан юқори бўлган электр энергияси истеъмолчиларининг электр қурилмаларини ишга туширишга рухсат бериш учун тақдим этиладиган ҳужжатлар РЎЙХАТИ**

1. Истеъмолчининг электр ҳўжалиги учун жавобгар шахс томонидан имзоланган объект электр таъминотининг бир чизиқли схемаси;
2. Қурилиш-монтаж ташкilotи билан истеъмолчи ўртасида тузилган қабул қилиш-топшириш далолатномаси;
3. Мавжуд ҳимоя воситалари, уларнинг синовдан ўтказилганлиги тўғрисидаги баённомалар, ёнғинга қарши инвентарлар, техника хавфсизлиги бўйича плакатлар рўйхати;
4. Асосий электр қурилмалари учун паспортлар;
5. Электр қурилмаларининг лаборатория синовларидан ўтказилганлиги тўғрисидаги баённомалар;
6. Электр ҳўжалиги учун жавобгар бўлган шахснинг лавозимга тайинланганлиги тўғрисидаги буйруқ;
7. Ижро схемалари, ер ости ишларининг далолатномалари;
8. Ҳудудий электр тармоқлари корхонасининг тезкор-диспетчерлик хизматига истеъмолчи номидан электр қурилмаларини улаш ва ўчириш учун буюртманома бериш ҳуқуқига эга бўлган тезкор ва тезкор-таъмирлаш ходимларининг рўйхати (Ф.И.О., лавозими, электр хавфсизлиги бўйича малака гуруҳи, телефон рақамлари).

Юридик ва жисмоний шахсларни электр тармоқларига улаш бўйича давлат хизматлари кўрсатишнинг **маъмурий регламенти**га  
**6-ИЛОВА**

\_\_\_\_\_ (сана)

\_\_\_\_\_ (рақам)

Электр энергиясини ҳисобга олиш тизимини пломбалаш ва электр таъминоти шартномасини тузиш учун  
**СЎРОВНОМА**

Электр энергиясини ҳисобга олиш тизими тўғрисида маълумотлар

1. электр энергиясини ҳисобга олиш тизими паспорти рақами:	
2. электр энергиясини ҳисобга олиш тизимининг мувофиқлик сертификати рақами	
3. электр энергиясини ҳисобга олиш тизимининг охириги марта қиёслашдан ўтказилганлиги санаси	

Истеъмолчининг  
ЭРИ